




濟人之急

箋註急者如遇疾病則藥餌爲急遇死喪則後事爲急遇饑寒則衣食爲急遇婚姻則奩奩爲急此外又有無限不可悉陳之急皆當隨我之力方便濟之昔韓琦爲益州路安撫拯濟饑民活者一百九十餘萬及鎮河北又大饑多方賑濟活者七百餘萬富弼鎮青州適河決八州之民俱徙京東勸民出粟十餘萬斛隨處貯之以濟饑者且括公私廬舍十餘萬區散處之使便薪水明年麥熟各計遠近授糧使歸獲生全者五十餘萬二公位極人臣名垂來禩凡封疆大吏及有民社之責事權在手用力少而建功多更當遇事勇往不可因循怠忽自取墮落也

引經論語曰君子周急不繼富

附論濟之時義大矣哉况緩急又人所時有也顧今人之親黨餽遺而往來已耳今人之朋友杯酒而宴樂已耳平時則比暱親厚人人熱腸語語義氣一旦有急則富者匿其財惟恐其我貸也勢者吝其力惟恐其我勞也向日之熱腸冷然如冰矣向日之義氣弛然如韋矣不亦大可惜哉



太上感應篇圖說  
濟人之急

卯二

Vertical columns of text, mostly blank or faintly visible, likely containing the main text of the chapter.

張彥明善醫貧者不受錢。或反周之。富者以錢求藥。不問多寡。必多與藥。人有請者。必速往。不計遠近。嘗雪夜赴人延請。家人止之。曰。彼病人輾轉牀榻。可緩須臾乎。一夕城中火起。周迴燒盡。其居獨存。後子孫俱貴顯。

附斷濟人疾病之急者宜如此。

太上感應篇圖說

濟人之急

卯三



河南劉理順鄉薦久不第。讀書二郎廟中。聞哭聲甚哀。問之。乃一人出外七年不歸。其母年老甚貧。欲嫁媳以圖兩活。得遠商十二金。晚卽歸商南去。姑媳不忍相別耳。劉聞之急。呼其僕曰。取家中銀十二兩來。僕曰。家中乏用已久。止有納糧銀十餘兩。明早欲送至縣矣。劉曰。汝取與我。官糧再俟借當可也。因作一書。內稱其子之語。言離家七年。已獲利五百餘金。十日後便歸。先寄銀十二兩等語。覓人送至其家。姑媳得銀及書。以告遠商。商知其子在。遂取銀退婦而去。越十日。其子果歸。所得之銀。及所行之事。與書中一字不差。母以問子。子駭甚。但曰。此神人憐我也。每日合家拜謝天地而已。劉公是年會試。廟祝見二郎親送焉。果中崇禎甲戌狀元。其子後于廟中。見公題詠。乃知書銀出自公手。舉家往謝。公竟不認。

附斷濟人貧乏之急者宜如此。



增

太上感應篇圖說

濟人之急

卯五

乾隆五十年。天津人有徐北山者。以巇務起家。後漸中落。嘗以除夕避債委巷中。聽黑暗中有哭聲甚慘。以火燭之。則一寒士。以負債無償。欲自經者。北山告之曰。余亦負人無償者。爾何必遽尋短見乎。問其所負若干。曰。二百金。探懷中銀。適符其數。盡以與之。其人叩謝去。後十餘年。北山之貧如故。而長子瀾。次子淮。中文武兩進士。第三子漢。中嘉慶戊午舉人。其孫文煥。又中戊子舉人。今爲津門望族矣。

增

太上感應篇圖說

濟人之急

卯六



高忠憲公家訓曰。古語云。世間第一好事。莫如救難。憐貧。人若不遭天禍。舍施能費幾文。故濟人不在大費己財。但以方便存心。殘羹剩飯。亦可救人之饑。敝衣敗絮。亦可救人之寒。酒筵省得一二品。餽贈省得一二器。少置衣服一二套。省去長物一二件。切切爲貧人筭計。存些贏餘。以濟人急難。去無用。可成大用。積小惠。可成大德。此爲善中一大功課也。

陳先生諱燧。家居甚貧。急於行義。常戒諸子曰。遇貧乏者。宜隨力賑之。若須富而後行。恐吾儒終無濟人之期也。

增

太上感應篇圖說

濟人之急

卯七




南安塘上楊封君。值歲饑。發粟三千石賑濟。子崇澤。邑諸生。病足幾廢。一日封君禱於神。乩示一方。用芋頭數顆。剖開焙熟。推捺兩腿上。如是三日。步履漸復如初。是年捷鄉闈。旋登進士第。授陝西知府。孫芳。乾隆庚寅舉人。芳之孫紹祖。道光辛巳舉人。同時晉江君事。亦慨然以三千石穀助給貧乏。時斗米千錢也。飛鳳先不能文。自是文思大進。旋入泮。榜姓王。子萬青。孫日起。皆爲名諸生。

增

太上感應篇圖說

濟人之急

卯八




安溪龜塘鄉張某翁家素封樂善好施乾隆乙卯年大饑貧家鬻子女以易食甚有絕粒死者某愴然軫懷思一急就計周濟之附近鄉里歡呼共指爲續命之田也初諸家禾稼尙介青黃生熟之間惟某一派腴田獨成熟至是分粟論知約於明日齊赴田間刈穫每人攤分粟十餘觔自行取去鄉人賴此數日糧遂得果腹不死是年其孫際青遂登鄉解

增

太上感應篇圖說

濟人之急

卯九



華亭文學李登瀛家貧。僅田二畝。佃戶以疾荒其田。賣子以償租。李知之。惻然曰。爾以病故。不能治田。非爾過也。我雖貧。尚能自存。奈何使爾父子離散乎。亟取租銀去。贖爾子歸。其人曰。兒已成賣。雖欲贖。豈我許也。李曰。我貧人。且讓爾租。富室大家。亦知積德。我當爲爾言之。遂與同往。主人感其義。許之。父子泣拜而去。日致禱祝。李君遂登甲子賢書。乙丑聯捷。

增

太上感應篇圖說

濟人之急

卯十



凡人烟輻輳之區。遇吉日嫁娶恒十餘起。一日兩家俱嫁女。一巨富。一極貧。至中途相值。雨甚至。昇者各以綵輿置郵亭中。四散爲避雨計。貧女於輿中哭甚哀。久之。富家女亦心動。遣媵婢問之曰。女子適人。離父母遠兄弟。誠大苦。然何至傷慟乃爾。貧女曰。我母家故窮。所適又乞人子。明日卽不知何若。以是悲。富家女爲之惻然。俗於嫁娘兩袖中。必置墜重物。謂之壓袖。富家女袖藏荷囊二。各緘金錠一。約重二十餘兩。乃出。使婢納諸貧女之懷。語以萍水相逢。無可爲贈。持此謀餽粥。或不致遽凍餒。貧女受之。正欲問姓。

增

太上感應篇圖說 濟人之急

卯二

名適雨霽輿夫空集。兩兩分路去。貧女嫁後。出所贈金。俾其夫權子母。逐什一之利。遂臻饒裕。乃行大賈。家驟起。廣市田園。然所置產。田必兩莊。屋必兩所。本資與所獲利必相埒。衆莫解其意之所在。性好施予。一鄉稱善人。願艱于嗣。息逾十載始生男。視若掌珠。擇乳媪哺之。媪來時。諸婢僕指示屋後樓三楹。云每清晨。主母盥洗畢。卽捧香屏。從人詣其上。汝慎勿登。違則必不恕也。問何故。衆言我輩來此有十餘年者。皆不知。但謹守條約而已。媪所哺子漸能行走。忽攀躋欲上。媪阻之。則號咷。不得已從之登。入其中。則空

洞無物。惟設香案。南向一龕。障以幕。媼揭視之。不覺失聲哭。衆聞聲告主母。爭訊之。媼伏罪言。小郎欲登。悉其蹉跌。怒促問不及細思。致干犯。應如何示罰。惟主命。問何爲哭。媼又揮涕曰。適見其中所懸荷囊。與我嫁時壓袖者相似。是日行至途中。並所貯金贈一嫁娘。爾時母家夫家皆極盛。初不介意。亦不知其可貴也。不圖今日落魄至此。語罷復泣。諸婢喝之止。主問汝嫁爲何時。媼以某年月日對。問是日遇雨否。媼曰。不雨則我之荷囊固在也。主聞而默然。亦不之罪。但尋其夫來。媼以爲將遣己也。益悲不自勝。次日。

增

太上感應篇圖說

濟念急

卯三

主家張燈彩。召梨園。若將宴貴客者。并召其族人。皆至。屆時堂中排二席。設兩坐。旁列二几。堆簿籍。高尺許。媼之夫在外廂。命四僕引入。四婦自室中擁媼出。令各按二人上坐。勿使動。主人主母倒身下拜。拜已起而言曰。曩蒙贈金者。乃我賤夫婦。非媼。無以有今日。藏度荷囊。示不忘也。日日頂禮。冀相遇也。財分爲二。不敢專利也。今幸天假之緣。不敢負恩。沒世。此田產簿二分。願存其一。而以一歸翁媼。並示族人。不得有異說。翁媼慌遽。惟同聲連稱。不敢不敢而已。主乃促坐定。奉酒卮。筵開樂作。至二鼓挑燈送歸所居之。

東院宿凡几案衾榻與主居無少異。翁媪本富家出身。亦安之若固有。媪初生女。寄養他人。而身出爲傭。至是迎歸。後長成。遂以字其所乳子。兩家世爲婚姻。如朱陳村焉。世或疑翁媪坐享其成。幾于倖獲。不知皆其贈金時惻隱之一念所感召也。而貧女暴富。卽矢圖報心。宜天之陰相之矣。造物豈妄予人以福澤哉。

增

太上感應篇圖說

濟人之急

卯三



江甯曹某少年隨父赴浙江投親不遇。父沒於途。曹流爲乞丐。逢人痛哭。求給川資。負父骸歸。里有王某者見而憐之。給以青蚨四串。曹感之。入骨。竟負父骸歸。如是者十年。嗣以貿易頗順利。積有餘資。家已小康。而時時泣念王某。恩恨無由報答也。王甯波人。值夷船陷城。家資全爲所掠。攜妻子踉蹌奔至金陵。行將乞食矣。與曹某恰遇。諸塗。曹大驚曰。恩人何亦流落至是耶。王告以故。曹卽邀至其家。時已戒寒。易以冬衣。並爲賃小屋以居。復割田二十畝俾營生焉。後曹某忽獲藏鏹巨萬。乃以分潤王某。王亦得自立。全家温飽。人兩稱之。

增

太上感應篇圖說

濟人之急


卯十四

增

太上感應篇圖說

濟人之急

卯五



李子同。河陽人。其父某。通醫理。善針砭。父歿。子同繼其業。偶得醫書數卷。方劑平淡而奇。不類他書。治內外科。極效。家小康。遠近延請者。勿論風雨寒暑。必至。藥資多寡。亦不計。惟以活人爲心。如是者數十年。活人甚衆。一日有女子。延入家。請醫一老媪金瘡。子同爲之去腐肉。給藥物。遂愈。忽女子持一銅鏡。至語之曰。以此相酬。此地將大亂。不可久處。請以此鏡照人。必肢體完全處。乃可居。子同試照本處。人多斷頭。少足。形象狼籍。又照他處。亦皆如此。因挾醫徧遊。至七台山谷間。村民二千餘戶。又試照之。其人肢體完全。

增

太上感應篇圖說

濟人之急

卯六


如故。遂携家往居焉。國初。流寇入滇。所至蹂躪。地方多爲荒墟。惟七台山谷中。秋毫無犯。遂得全。其後子孫繁衍。道光年間。至數百戶。雖無顯貴。而生貢書香。繹絡不絕。愚以爲救濟爲懷。仁者之心。子同挾術活人。而卒全身家。則其活人也。乃其所以自活歟。

增

太上感應篇圖說

濟人之急

卯七




邯鄲張繡家貧無子。置一空罈。積錢十年而滿。有鄰人犯徒。三子俱幼。擬賣妻贖罪。繡懼其妻去而子不能活。謀諸夫人。舉所積錢代爲完納。不足。夫人復拔一釵湊之。是夕夢神抱一嬰兒送之。遂生國彥。歷官尚書。

增

太上感應篇圖說

濟人之急

卯六




霽州朱承逸慈心好施一日晨出聞橋下哭聲甚哀視之有男子攜妻及小兒在焉叩其所以曰負勢家錢三百千督索無償將同死於此朱惻然遣僕護歸親造其家見悍僕羣坐咆哮朱曰汝主以三百千之故將殺三命於心安乎我爲代還急取券來如數還之其人感泣願終身爲僕役朱不受復以錢二十千資之後值歲飢以米五百石賑濟全活無算是年生孫股肱並登高第。

增

太上感應篇圖說

濟人之益

卯九



句容某生博學能文。好行陰德。值鄉試無資。得親友  
贖儀十餘金。抵省。寓東花園地。藏菴。聞鄰舍有老嫗  
失養。不得已而賣媳者。分離前夕。哭甚哀。訊其子。則  
多年遠出矣。生惻然。爲輾轉作計。詭作其子家書。言  
入商獲利將歸。因結帳暫留。先寄銀十兩。以資家用。  
明發投之。老嫗得銀。事遂解。生復借貸入闈。夢有神  
告之曰。子獲雋矣。然必三場俱曳白。乃妙。醒而竊笑。  
荒唐題紙下。方欲握管。恍惚夢神呵止之曰。子欲落  
孫山外耶。卷有字。榜無名矣。生仍不信。靜坐構思。而  
心如廢井。緒似紛絲。日已將夕。不能成一字。繼且神

增

太上感應篇圖說

濟人之意

卯三

思困憊。竟入睡鄉。及覺。見提筐出場者。踵相接。無奈  
何。亦交卷而出。聞藍榜已揭。趨視無己名。乃勉入二  
三場。遂坦然曳白。迨揭曉。則已高標第二名。正錯愕  
間。有飛騎遞某令札至。啓視則闈稿悉具。令固名進  
士。由庶常改外。派作收卷官。深以不與衡核爲恨。得  
闈題。技癢難禁。默成三藝。適接生白卷。袖歸寢所。疾  
寫發謄。欲以試內簾之眼力。而惟恐生之不再來也。  
繼得二三場卷。俱一律曳白。益大喜。始終完其卷。填  
榜。知已奪魁。意得甚。故密札以達之。生詣謝。令笑問  
君何惜墨。乃爾。生以夢告。問有何陰德。致此。生謙言

無之固問。因微言場前寄銀事。令拱手曰。是矣。子代  
人作家書。天遣子代子作場藝。又何謝焉。報施之巧  
如此。遇合之奇。又如此。夢中神語之不憚煩。又如此。  
一善行之所係。不綦重哉。

增

太上感應篇圖說

濟人之急

卯三



閩中孟瓶菴先生家傳戒殺一事已載前錄中前年至福州復聞其封翁軼事甚可勸世也封翁出身本寒微而饒有才智手邊積貲不過二十餘金而急人  
之事如己事惟殷殷以濟物爲念一日偶以事宿某鄉店聞店鄰媪媳二人哭聲甚哀封翁私詢之得悉鄰媪有子某數年前出賈於外其去時約以三年必歸後無音耗今過期又三年矣有傳其已死者媪之母家欲奪媳而改嫁之刻日事成卽迎娶矣媪與媳不忍相離媳亦誓不肯嫁計無所出而哭耳封翁因詢悉其子作何生意賈於何所何年出門遂僞作其

增

太上感應篇圖說

濟人之急

卯三

子家書並以十金封入函中云三年屆滿正擬收拾行李因生意正旺未肯遽歸茲因某人經過之便特托帶家信並銀十兩家中如有負欠俟我秋間歸來易清也是夜將信親送其家卽避去其媪得書以示媳媳之母家聞之前謀頓寢不敢復言另嫁矣是年秋仲其子果歸其在外作賈事悉與書中之語符合及母語及此書及寄銀事則其子茫然不知所謂母歎曰此神人暗中保全也因合家望空泥首以謝踰數年封翁復以事過某鄉則舊店已易主店與正宅通宅極整潔中間有小龕龕內有神位其家人日日

供香燭。每朔望合家俱來拜禮甚恭。封翁偶問何神。主人將神代作書並送銀事。叙述一過。封翁莞然曰。此非神也。乃我一時作用。而轉受主家如此敬禮。折吾福矣。恐其不信。爲誦書中語。一字不差。請速撤去神位。主人始泫然泣。恍然悟。急請其母呼其家人皆出。曰。恩人在此矣。咸羅拜之。蓋其子歸後。家道小康。遂買客店。併入己宅。而封翁不知也。次年爲乾隆己卯。瓶菴先生遂發解。踰年庚辰。卽聯捷成進士。由翰林改銓部。歷司文柄。引疾歸。而封翁尙健在。迄今家門鼎盛。科第蟬聯。爲福州望族。大約皆食封翁之報矣。

增 太上感應篇圖說

濟人之急

卯三

增

太上感應篇圖說

濟人之急

卯文三




范忠宣公。知慶州。歲大饑。公請發官倉賑之。衆官曰。須奏請乃可。公曰。八七日不食。卽死。何能待乎。諸君勿慮。有罪我當之。卽日開倉發賑。全活無數。公享高壽。子孫貴盛無比。

增

太上感應篇圖說

濟人之急

四三三上




太原布商劉金順求袁柳莊相面袁一見驚曰。兄大  
限只在一月內。可飛速回家。辨後事。柳莊神相也。言  
無不中。因是歸寓。惘然不樂。表姪周鰲問故。始知因  
勸云。今大荒歉。人相食。何不捐資買米。麥散賑。諸貧  
人積大陰德。或者可回造化。劉卽依言。星夜發銀辦  
米散賑。費銀萬餘兩。過一月餘。無恙。復往見柳莊。莊  
又驚曰。尔作何大陰德。滿面陰騰紋。氣色異常。非但  
延壽。且生貴子。劉後行善愈力。施濟愈勤。享壽八十  
五歲。生三子。二登甲榜。子孫科第不絕。

增

太上感應篇圖說

濟人之急

卯又三章



宜興儲方慶用儉好施。每遇歉年。傾其所有。不足。自  
 將衣物典賣。并募有力之家。捐資煮粥賑濟。開醫藥  
 局。療人疾疫。身任其事。不辭勞瘁。全活者無算。後中  
 丁未進士。生子儲右文。康熙丁巳北榜。儲大文。康熙  
 辛丑會元。儲在文。康熙己丑科。儲郁文。康熙辛丑科。  
 儲雄文。康熙辛丑科。五子皆高科。

增

大上感應篇圖說

濟人之急

卯之三



湖州蔡佩蘭公。居家孝友。用儉好施。每出以銀錢。自  
隨。遇貧苦殘疾。卽施之。每當米麥熟。價平時。以錢千  
買收入。來年米麥未熟。鄉里艱食之時。照前賤價平  
糶。於貧苦孤寡。不取分毫利息。力行者三十餘年。壽  
八十四歲。無疾坐化。有鄰童見金童玉女。引伊乘車  
上天而去。曾孫蔡啟樽。康熙庚午狀元。元孫蔡升元。  
壬戌狀元。

增

太上感應篇圖說

濟之急

卯又三



上虞倪士元家。每年存米一倉。於艱食時平糶。後鄰家失火。延至伊家。忽風返火滅。丁丑歲大疫。伊一家數十口。一人不染。子孫皆賢孝。各安分守業。爲上虞首富。

增

太上感應篇圖說

濟人之急

卯又三五




奉新縣甘樂天翁家富自儉好施每對人曰錢財乃  
上天暫交於我我應當代 上天濟人利物方不  
負 上天所托也逢歉年即將倉米煮粥賑施鄉里  
疾疫時開醫局施藥又施棺千餘具義塚地百餘畝  
造橋修路買物放生孜孜爲善惟日不足後享壽一  
百零三歲曾孫甘汝來位至吏部尚書甘汝來父甘  
萬達弟汝達姪甘禾雍正丙午科三代同科

增

太上感應圖說

齊人之忠

卯三五六



焦敬斯名據德秦安縣蓮花城人商於蜀道逢遺金  
哀然盈橐乃攜諸店寓守候二日有單家川單姓者  
奔走流液幾欲自盡公迎而問之以失金對諸皆符  
合卽以原橐與之其人傾拜請分金以酬公不可請  
留姓名以誌恩則拂然竟去公三子長受楠次受武  
庠生次受桓字瑞一乾隆乙卯舉人

增

太上感應篇圖說

濟人之急

卯三

七

救人之危

箋註危者。死生在于呼吸。性命懸於俄頃。如水火盜賊。爭鬪刑獄。疾疫逋負。羈旅患難等事。乘時不救。後雖追悔。不可及矣。

引經孟子曰。今有同室之人鬪者。救之。雖被髮纓冠而救之可也。

附論人當危阨之際。如涸澤之魚。前無可進。後無可退。呼天莫應。籲地無聞。倘有力者。隨意隨心。出諸泥塗。置諸衽席。其功德豈有量哉。

太上感應篇圖說

救人之危

卯五



眞州一巨商。販鬻至杭。時有挾姑布子之術。曰鬼眼者。多奇中。忽指商曰。公大富人也。惜乎中秋前後三日內。數不可逃。商懼。戒程歸。舟次揚子江。見一婦仰天大號。問焉。答曰。妾夫作小生涯。有本貲五十緡。買雞鵝過江。販賣歸。則計本授妾。然後持贏易薪米。餘貲則付酒家。率以爲常。今妾偶遺失。所授本貲。非惟舉家待哺無措。亦必被箠死。願自沈。商聞歎曰。我厄于數。假鑄金可代。吾無虞矣。彼乃自天其生。哀哉。亟贈錢一百緡。婦感謝去。商至家。具以鬼眼言告父母。召親友永訣。閉戶待盡。父母親友。婉譬寬解。終弗自娛。踰期無他故。復之杭。舟阻風。泊向者贈錢處。登岸散步。值婦人襁負兒。迎拜曰。自蒙恩救拔。數日後。幸產得兒。母子二人。沒齒感再生之賜。不忘。商至杭。復過鬼眼處。驚曰。公在耶。乃詳觀形色。而笑曰。公陰德所致。必曾救一老陰少陽之命矣。商異其術。捐金爲報。



太上感應篇圖說

救人之危

卯美

明費文。廣信人。年逾五十。授徒楚之蒲圻。二年方歸。登岸散步。聞婦哭甚哀。問之。曰。夫負官錕。將鬻我以償。我去。幼兒失哺。必死。是以悲耳。翁詢所負。曰。十三金。翁曰。我同舟。皆我江右人。人捐一金。足完爾夫之事。勿悲也。返而登舟。同行者皆不應。公捐兩年束修。盡與之。未至家三日。糧盡。衆鳩價買米。翁囊已盡。衆皆誚之。或憐而招食之。公不敢飽。比至家。語婦曰。吾舟中忍饑二日矣。速爲炊。婦曰。顧安所得米乎。公曰。隣家借。婦曰。借貸已多。頗候爾歸償之。歸而復借。可奈何。翁告以故。婦曰。旣如此。吾有山蔬。采之。可充饑。

太上感應篇圖說

救人之危

卯三

攜筐登山。采苦菜煮爛。同舉案一飽。旣就寢。翁熟寤。婦念明晨又匱。輾轉不寐。忽聞窗外呼曰。今宵采苦菜作飯。明歲產狀元爲兒。婦蹙翁曰。此神明告我也。夫妻同披衣起。向天拜謝。明年果生子宏。十九領鄉薦。二十登成化丁未科狀元。官至宰輔。翁生受封吏部右侍郎。



太上感應篇圖說

救人之危

卯天

嘉靖間。台州應尚書。壯年習業山中。夜鬼嘯集。一夕聞鬼相語曰。某家某妻。以夫久客不歸。翁姑逼嫁之。明夜當縊死此地。吾得代矣。公潛賣田。得銀四兩。僞作某書。寄銀還家。父母見書。以字跡不類疑之。既而曰。書可假。銀不可假。想兒無恙。婦遂不嫁。無何其夫亦歸矣。夫婦相保如初。先是婦既不死。公又聞鬼語。吾當得代。柰此秀才壞吾事。有鬼曰。何不禍之。曰。上帝已嘉乃心。命作陰德尚書矣。吾何得爲禍。公益努力爲善。歲饑賑穀。遇親戚有急事。委曲維持。橫逆之加。輒反躬自責。官終尚書。子孫科第者累累。

太上感應篇圖說

救人之危

卯五



明羅倫。少勵志聖賢。郡守張瑄惜其貧。命有司周之。謝勿受。三十舉於鄉。赴禮闈。宿山東旅舍。僕於院拾一金釧。匿不以聞。行兩日。倫歎曰。去京尚遙。費盡可奈何。僕曰。無慮。出金釧。告以故。倫大怒。欲親賈還。僕叩頭曰。如此往還。恐誤過試期。倫曰。此物必婢僕遺失。萬一主人拷訊。因而致死。是職誰咎。甯不及試。無令人死於非命也。竟還轅。復至其家。果緣婢潑盆水。釧在盆中。并棄於地。主母笞婢流血。數尋死。夫又詬妻。辱罵不休。妻亦憤欲投繯。一門如沸羹。公至。出釧與之。全活兩命。舉家感激。街鄰觀者如堵。無不稱歎。卽以鼎元期之。至京。已二月初四矣。倉皇投卷。是年果狀元及第。

太上感應篇圖說

救人之危

卯三

太上感應篇圖說

救人之危

卯三



郇公章得象之祖仔鈞。蒲城人也。仕閩王審知守建州。領兵拒南唐。遣邊鎬王建封求救。二人失期當斬。章意未決。夫人練氏曰。旣惜其才。何不從寬密令遠遁。復使諸子遺之以金。二人遂奔江南。後南唐命查文徽攻建州。二人已貴。從行。城陷。議屠之。時仔鈞卒。練氏猶存。二人入城。厚遺練氏金帛。且授一白旗。曰。樞此於門。可保無虞。練氏舉金帛并旗返之。曰。妾家雖免死。建民何罪。非盡赦建民。妾不獨生。二人請之一城皆免。練氏後封越國夫人。子十五人。親出者八。孫六十人。皆貴。曾元位卿相者相踵。

太上感應篇圖說

救人之危

卯三




浙有士人館於富家。歲暮得束脩八兩。歸至渡口。見有夫婦赴水者。士止之。夫言歲暮債迫。欲賣婦。婦不肯行。故相率就死。士惻然。盡與八金。其人泣謝。代負擔而歸。妻問所有。士言遇貧人赴水事。妻曰。君何不周之。士曰。悉與之矣。妻亦不怨。至除夕。妻治蝦酒少飲。士口占云。紅蝦糟汁煮清酒。水來湧。夜夢至瓊樓。玉宇有聯續。其句云。門關金鎖鎖。簾捲玉鈎鈎。士覺而書案頭。族人笑其薄命。故爲此語欺人。明春赴館。主人延地師葬母。士以二親未舉殯。嗟歎久之。主人囑師爲卜穴。至一處。見鹿踞其地。人至奔去。師曰。此

太上感應篇圖說

救人之危

卯三

金鎖玉鈎形。吉地也。士憶與前夢合。但未知爲誰氏地。適前與金之人至。見士曰。先生得非某乎。吾自得金完債。今稍溫飽。常念未能報德。今來此何事。士言求葬地。指鹿眠處。民曰。此吾業也。卽邀至家。厚款書契與之。且爲助工營葬。數年後。士得聯第。官至都憲。附斷合而觀之。之數人者。或捐財以活其母子。或委曲以全其夫婦。或還遺以保其主婢。其報應皆歷歷不爽也。尤足異者。以一婦人而全合城生靈。則世之鬚眉男子。更當何如耶。



增

太上感應篇圖說

救人之危

卯酉

宋時海州富民楊允妻劉氏寡居。二子皆幼。時用兵燕雲。厚賦緡錢。民皆被害。一日劉氏語二子曰。國家用兵。歛及下戶。官司督責甚峻。刑法慘酷。吾家私錢列屋。不忍見鄉黨受罪。遂請於官。以家產代充下戶之賦。於是貧民全生。官吏亦得逃責。後二子爲太僕卿。

增

太上感應篇圖說

救人之危

卯三



高郵蘇某。夫婦年皆四十。祇有一子。愛同拱璧。一日小婢抱出外廳。因雨滑足。將兒跌於階下。頭破而亡。蘓某見之。卽囑婢速逃回母家。自抱其子。入謂係己失手跌斃。蓋知其妻之性急而暴也。迨其妻急尋婢而婢已不見矣。未幾蘇某復舉一子。前明馬恭敏公森。亦有是事。係除夕婢抱兒在門首遊戲。兒誤捨投鄰家爆竹盆中。死。恭敏之父亦令其速逃遠方。而向妻婉轉寢其事。兒身故有疤痕。後一年復生子。疤痕宛然。知爲故兒。投胎再來。卽恭敏也。

增

太上感應篇圖說

救人之危

卯三



山陰陳某逸其名赴省試舟泊蕭山之西興驛忽聞街市火起登彼往觀見避者紛紛火光中一女子身無半縷蹲伏於地羞懼無以自容陳急取一袍擲與之女得衣蔽體而家人星散號泣無所歸哀陳求救陳使宿其舟之頭艙終夜不交一語晨起訪其母家俾迎歸彼此匆匆不暇問姓名衣亦未還陳卽渡江去及入場題紙旣下文思甚澀一字俱無正窘迫間聞隣號呻吟聲窺之見一生病甚篤謂陳曰余病矣文成而不能寫惟交白卷求出場而已子其爲我點檢考具感且不朽陳爲之料量畢生問君文如何陳

增

太上感應篇圖說

救人之危

卯七

告以故生曰余文已無用感君之義卽贈君陳旣受文遂扶生出歸號全錄其文揭曉竟中式亟訪某生無知者久亦置之後陳以大挑分發安徽晤一候補令似曾相識諦視之卽向日之抱病某生也各叙往事乃知某卽蕭山人是年出場後病旋愈次科亦獲雋昨甫到此陳謝之偶一回首見簷下有曬衣則前贈女子之衣在焉不覺屢顧某疑而問之陳言其始末且詢得衣之由某恍然曰信哉君所見女子卽內子也遭回祿時尚未嫁及歸余箚中見此衣內子爲余言昔遭火厄幸遇一士子擲一衣得蔽體而歸彼

此匆匆不暇問名姓。云亦未還。每呼負負。故夏曰必  
曬而藏之。將以報也。蓋君之過我。我之贈君。悉君之  
陰德所致。冥冥中假予手以報之。非偶然矣。語畢。呼  
妻出謝。從此來往如通家。此嘉慶初年事。

增

太上感應篇圖說  
救人之危

卯三




崔煒於開元寺見一乞食老嫗足蹶覆人酒甕被店主毆擊煒趨解曰酒直幾錢曰直一貫煒脫衣代償老嫗不謝而去異日遇諸途乃曰蒙君解難吾不敢忘吾善治贅疣今有越井崗艾少許相贈若遇贅疣一灼卽愈其後一僧贅垂於耳依法愈之由是知名延之者衆遂富或曰老嫗卽鮑姑也

增

太上感應篇說

救人之危

卯三九



潘好古處州松陽人也。處大水發屋漂廬落好古挈妻孥托浮屠以棲廩廩也。有犯濤掉舟來者呼亟濟。僮僕賀更生扶好古卽舟好古顧同避者尙數十人太息曰吾去是其魚矣。乃諭舟子姑置己先載之。舟子曰吾德公長者故脫公。他何知焉。好古曰此距平土不十里汝一往反生此數十人爲德不已多乎。我終不忍吾獨脫而餘人留舟子意動從之。衆畢濟乃濟己好古生六子舉進士者二人。

增

太上感應篇圖說

救人之危

卯四



萬歷間。豫章新建縣。有民窮甚。家止存一水桶。售銀三分。計無復之。乃以二分銀買米。一分銀買信。歸與妻孥共一飽食而死。炊方熟。會里長至門索丁銀。里長遠來而饑。欲一飯而去。辭以無。入厨見飯。責其欺。民搖手曰。此非君所食。愈益怪之。始流涕而告。以故里長大駭。亟傾其飯而埋之。曰。若毋遽至此。吾家尙有五斗穀。若隨我去。負歸。可延數日。或別有生理。奈何遽自殞爲。民感其意而隨之。得穀以歸。出之。則有五千金在焉。民駭曰。此必里長所積償官者。誤置其中。渠救我死。我何忍匿之。遽持銀至。里長所還之。里

增

太上感應圖說

救人之危

卯聖

六


長曰。我貧人。安得許多金。始天以賜若者。其人固不肯持去。久之。乃各分其半。兩家遂稍饒裕。如二人者。亦可謂好人矣。一則仁而能恤。一則誠而不欺。固知細戶編氓。良心昭揭者。多也。引而導之。孰不可與人爲善者乎。



增

太上感應篇圖說  
救人之厄

增



徽州王志仁三十無子術者相其十月有大難王素神其術因往蘇州取帳途見一婦投水王急出十金僱漁舟往救至岸問之婦曰夫爲人佃家養一猪償租妾昨賣之誤收假銀租迫急夫歸打罵故尋自盡耳王倍與之歸告其夫不信同至王寓所問訊時王已寢夫命婦叩門呼曰投水婦來謝王厲聲曰汝少婦我孤客昏夜豈宜相見婦曰我夫亦在此王乃披衣起將開門高牆忽倒卧榻成粉矣天佑善人巧於示異如此及歸相士復見之驚曰子尚在耶王告以前事相士曰子滿面陰隲紋不但免禍且能獲福後

增

本感應篇圖說

救人之危

卯壘下

生三子登第者二並享高壽。

蠟州王志仁三十無子術者相其十月有大難王素神其術因往蘇州取帳途見一婦投水王急出十金僱漁舟往救至岸問之婦曰夫爲人佃家養一猪償租妾昨賣之誤收假銀租迫急夫歸打罵故尋自盡耳王倍與之歸告其夫不信同至王寓所問訊時王已寢夫命婦叩門呼曰投水婦來謝王厲聲曰汝少婦我孤客昏夜豈宜相見婦曰我夫亦在此王乃披衣起將開門高牆忽倒卧榻成粉矣天佑善人巧於示異如此及歸相士復見之驚曰子尚在耶王告以前事相士曰子滿面陰隲紋不但免禍且能獲福後生三子登第者二並享高壽。



增

大感應篇圖說

救人之危

聖學

三


蔡公名潮。武進士。官蘭州督標前營遊擊。微時以一馬一驢。販糧爲生。至某處。見一婦。哭甚哀。問之。則爲夫鬻以償負者也。將覓死。蔡以馬抵贖之。驅驢返。至中途。驢又墜崖死。蔡無以爲計。信步歸。夜半至城門假寐。聞人呼曰。無路走。何不去喫糧。驚醒自念。此亦一生路。殆神人指引也。翌晨逡巡至家。告其父。遂入伍。藉資應試。獲聯捷焉。

增

太上感應篇圖說

救人之急

卯年四



梁省吾主政名葆慶廣西宗善人。自言癸未北上。奏資僅六十金。太翁又固遣一人從之。賃舟起程。同舟有客二三人。又有夫婦攜二女。長者十一二歲。幼十歲許。抵南甯。入城訪友。比歸。則夫婦及二女相抱痛哭。一人怒色其旁。問之。乃知夫婦本甯人。往太平經紀。已而大竊。質二女於人。及謀歸。則以重息稱貸。而贖其女。詭言本鄉有產。及親友可靠。令其人從已歸取償。今已至甯。而計乃無出。其人逼取二女。母女相持。將爲投水計。先生諭之曰。勿哭也。客躊躇。乃背召債主。聳以利害。勸舍之。其人執不肯。先生愾然爲問。

增

本感應篇圖說

救人之急

卯又單五

曰。可也。汝質直幾何。曰。十二兩。先生解囊與之。而取其券。付夫婦。太公聞之。曰。吾兒此事。生平承歡第一事也。今年其中矣。及卽中。太翁寓書曰。汝常存南甯船上心。較汝中進士。吾喜多矣。

見人之得。如己之得。見人之失。如己之失。


箋註好得惡失。人已同情。苟能休戚相關。吉凶同患。卽仁術也。小人忌人之得。幸人之失。只緣此心不平之故。抑思一切世間財之聚散。勢之盛衰。業之興廢。學問之進退。功名之成毀。人之所得。何損於我。而有忌心。人之所失。何益於我。而有快心。總之自生煩惱。徒增罪孽耳。

引經論語曰。見賢思齊焉。見不賢而內自省也。孟子曰。禹思天下有溺者。由己溺之也。稷思天下有饑者。由己饑之也。書曰。疢癘乃身。

太上感應篇圖說

見人之得

卯三



建德王本立常言某爲諸生時於歲考後適有分守道某行縣諸生謁見間言及考事惟問案首姓名幫補進學人數而止餘不問焉分巡公繼至亦言及考事惟問黜退停降人數而止餘不問焉諸生私訝曰二公發問相反如此吾輩誌之觀二公去後祿位何如未幾分守公官至戶部侍郎子繼登第分巡公陞陝西副使遇安化王作亂腰斬之

附斷斯豈一問遂能致禍福哉蓋言者心之聲而行之表也存心仁厚則一言一行無不厚存心刻薄則一言一行無不薄君子以厚德載物彼殘忍刻薄之人豈享福祿之器哉

太上感應篇圖說

見人之禍

卯望

不彰人短

箋註短如材伎之拙。聰明之鈍皆是。馬援戒子孫曰。聞人有過。如聞父母之名。耳可得聞。口不可得言也。曹參爲相國。見人細過。輒掩匿覆蓋。韓魏公爲相。每見文字有攻人隱惡者。卽手自封之。不使人見。夫三人皆名將相。卽諱惡一事。可以通治體。可以著家箴。可以泯樹怨。無在不彰其寬大也。昔段遘過黃坑。從者於路得一髑髏。隱隱有逃奴字。蓋黥入骨也。夜夢人以手障面來索骨。且曰。我羞甚急。爲深藏。無令人見。醒深瘞之。嗚呼。人死猶掩其短。况直言彰之乎。故楊龜山謂口固不得言。耳亦不得聞。此又比伏波之說。更進一頭地矣。

引經中庸曰。隱惡而揚善。

附論玉真先生曰。凡人生來積福不厚。又復肆口彰露人短。不有冥禍。必有奇窮。信哉。

太上感應篇圖說

不彰人短

卯器



增

大感應篇圖說

不彰大知

卯望

明徐文貞公階。告致歸里。宴集親朋。一人取金杯匿於帽中。公適見之。撤席主器者四處徧尋。公曰。杯在勿覓也。此人醉酣潦倒。向公致謝。不覺杯帽俱墮於地。公悄然納於其人之袖中。命役扶歸。終不洩。

增

太上感應篇圖說

不彰人短

卯巽



羅雙泉會試寓京。其屬謁同舍生物色得之。給公  
訪其人。比入坐。故探其囊。曰：此非君物耶？公愕然曰：  
君誤矣。物偶相類耳。出語生曰：吾失謁無甚損。彼得  
惡聲。尚能爲人耶？

增

太上感應篇說

不棄短

卯望



仁和汪姓。世業。家道殷實。一日爲子完姻。親朋咸集。三鼓客散。閉門。主人持燈赴各處照看火燭。至一廳廂房。聞門楹中悉索有聲。移而視之。有人藏焉。燭之。則茶司也。杭俗有紅白事。皆用茶廂。四人爲一副。器具畢備。並賣酒也。其人惶急無地。家人皆云。縛而守之。俟明日送官究治。以儆將來。汪君曰。不可。渠不過爲貧故。偶爾小見。送官則終身不可爲人。其人叩頭而已。默無一言。汪君又曰。若天明放汝回去。衆目共覩。亦難以見人。我給汝大錢千文。以救汝窮。將來斷不可復蹈故轍。事可一不可再。且未必人人如我也。其人感泣自誓。汪君卽給

增

太上感應篇圖說

不彰人短

卯吳

錢令歸。且囑家人毋漏言。數年後。所娶之婦生子。冬日樓居。以銅火爐烘焙小孩之物。不料火多銅化。燒穿樓板。落於廳屋。一家睡熟。絕無知者。前所放之茶司。在別姓家筵散而歸。路經汪宅。見大門未閉。並無一人。亦無燈火。不解所由。大呼管門之人詢之。則茫然不知何以忘卻關鎖也。茶司云。夜已深矣。恐有小入藏匿。卽以所持燈籠。偕往各處查看。至二廳。見地上炭火一堆甚旺。仰而視之。樓板猶紅。乃大聲疾呼。舉家驚起。急救滅之。汪君細問原委。不禁驚歎。管門人之忘卻關門。茶司之適經是路。始有鬼神。否則不

先不後能如是之巧合耶。一念之善。一事之厚。福及一家。擴而充之道在是矣。

增

太上感應篇圖說

不彰入短

卯四



扶溝令田霽。歿已一年有餘。忽見夢於其妻曰。我生前叨中科第。自恃其才。每於往古聖賢。及當世知名之士。好求其短。而品評之。以自快其筆舌。此不過一時意興所至。那知地府以此業因。日日令兩蛇三蜈蚣。出入七竅。苦不可當。必滿三百六十日限。方得託生爲女。今罪已滿矣。特來告知。卽往受生也。  
附斷夫筆舌之下。能造惡業如此。此君子所以常存忠厚之道也。

太上感應篇圖說

不彰人短

卯五

不衒已長

箋註人有才能。不如學術。有功業。不如器量。有文章。不如受用。凡人苟有所長。卽當善藏其用。故上而聖賢。則若虛若無。次而君子。則不矜不伐。老子曰。良賈深藏若虛。君子盛德容貌若愚。纔欲見長。便是短處。每見少年英異之士。露才揚己。眼前併無一切。到底只是平常。甚有困頓湮鬱而死者。豈非器量淺薄。自無受用之地乎。

引經中庸曰。衣錦尚絀。惡其文之著也。故君子之道。闇然而日章。小人之道。的然而日亡。論語曰。願無伐善。無施勞。書曰。汝惟不矜。天下莫與汝爭能。汝惟不伐。天下莫與汝爭功。禮記曰。君子不自大其事。不自尚其功。

附論嘗見世之以能自矜者。往往禦人以口給。不知口猶市也。才能行事。如貨物然。積於身而沽於口。所存者幾何。沽之不已。則才德匱竭。而困窮立至矣。



太上感應篇圖說

不銜已長

卯五

唐李泌七歲能文。常賦一長歌見志。聞者莫不歎賞。張九齡戒之曰。藏器於身。古人所重。今君早得美名。必有所折。宜自韜晦。泌感悟泣謝。從此不復自銜。遂爲一代名相。

附斷。向使矜銜不已。則器宇淺露。安能容蓄才德。爲中興佐命之良相乎。當知人有所長。卽有所短。切不可自己誇耀也。

太上感應篇圖說

不銜已長

卯五



漢書武帝時丙吉爲廷尉監受詔治巫蠱郡邸獄時  
皇曾孫亦就繫吉見而憐之擇謹厚女徒令保養之  
望氣者言長安獄中有天子氣上令被繫者皆殺之  
吉閉門拒使者不納曰皇曾孫在他人無辜死者猶  
不可况親曾孫乎使者還報帝悟曰天使之也因赦  
天下郡邸獄繫者獨賴吉得生恩及四海矣及宣帝  
立吉絕口不道前恩會掖庭宮婢自稱有阿保之功  
詞引丙吉上始知吉有舊恩而終不言大賢之封爲  
博陽侯臨當封吉疾病上憂吉疾不起夏侯勝曰此  
未死也臣聞有陰德者必享其樂以及子孫今吉未  
丞相。

太上感應圖說

不徇己長

耶喆

獲報而疾甚非其死疾也病果愈乃受侯封未幾拜


遏惡揚善

箋註人有惡者勢如燎原則阻遏之使其改行從善人有善者機有隱伏則表揚之使其益加精進引經易曰君子以遏惡揚善順天休命附論儒曰隱惡揚善佛曰止惡行善道曰遏惡揚善三教之言如出一口身操進退人材之權者尤當以此爲兢兢也

太上感應篇圖說

遏惡揚善

卯五



麻城劉公仲輔爲莊襄公璉父。自少仁恕。與夫人董母初婚之夕。家尚貧。有偷兒入室。公驚起視之。乃所識者。曰汝耶。想以貧故至此。卽檢夫人首飾數事。給之。囑曰。汝今改行爲善。我終不言。後夫人常問其人。爲誰。公曰。已許不言矣。及公歿。有一族子觸棺甚哀。人始疑爲昔偷兒。而時已有善行矣。公與董夫人俱以子貴。享高壽。曾元俱登甲第。

附斷此隱惡令自新之報也。夫爲盜猶可令自新。而况其非盜者乎。觀其改行爲善一言。劉公不獨遏惡。其能揚善亦可知矣。

太上感應篇圖說

遏惡揚善

卯五

推多取少

箋註財者人所必爭之物。然人生貧富自墮地時。大分已定。推之不去。取之不來。究竟能吃虧者。未常不是。計便宜處也。凡處親戚朋友。皆當如是。至於兄弟之間。分析之際。世俗之情。爭多道寡。小則骨肉忿爭。乖氣致異。大則獄訟繁興。同歸烏有。更不可不猛省也。

引經禮記曰。分無求多。又曰。君子貴人而賤己。先人而後己。則民作讓。

附論天下諸惡百毒。皆出於好利之心。抑知善取

太上感應篇圖說 推多取少

耶堯

者天必奪之。善推者天必與之。冥冥中有非人所得主者乎。

不可不猛省也

骨肉忿爭乖氣致異大則獄訟繁興同歸烏有


兄弟之間分析之際世俗之情爭多道寡小則

骨肉忿爭乖氣致異大則獄訟繁興同歸烏有

大分已定推之不去取之不來究竟能吃虧者未

常不是計便宜處也凡處親戚朋友皆當如是至

於兄弟之間分析之際世俗之情爭多道寡小則



太上感應篇圖說

推多取少

卯五



張士選幼失怙恃。叔父存恩。養如己子。叔生七子。一日謂曰。吾當與汝析產。分爲二。選曰。不忍諸兄弟。共獲一分。請爲八。叔固辭。選復固卻。分卒如選意。選年十七。應試入京。一術士相曰。南宮高第。獨此少年。同行者斥之。術士曰。文章非吾所知。但少年滿面有陰德氣。故許之耳。是年選果第。

附斷以此觀之。彼世之錙銖必較。尺寸必爭者。何足語此哉。骨肉無過。兄弟親友。不過數人。慎勿以財見疎可也。



慈谿二友相善。同往吳江覓館。甲得之城內。脩儀議九兩。乙得之城外。脩儀議六兩。甲喜謂乙曰。吾兩人明歲皆無內顧憂矣。乙言兄止尊嫂在家。九金資用有餘。弟則上有父母。六金尙未足耳。甲俛思良久曰。然。遂力以城內館讓乙。而已就鄉村小館。乙深感謝不安。甲到館後。偶拾一殘書。得外科秘方幾箇。錄而誌之。至冬解館還家。適途中有方布政。從閩赴山東任。背忽患瘡。痛甚。倉皇覓醫。難得。甲以方獻之。立愈。布政大喜。酬以百金。甲竊嘆曰。我讓己之館。人將以爲甘吃虧矣。豈知就人之館。反得此大便宜乎。

增

太上感應篇圖說

推多取少

卯空



卓海帆閣老云聞吳中某封翁者五歲時爲伯父嗣後嗣父寵婢連生五子遂憎厭封翁庶出子居長者更狡險娶妻某氏尤極克悍陰毒日事讒搆封翁事事掣肘隱忍順受者數十年家本殷富析箸時諸弟俱擁厚貲封翁所得不及每股之半家漸落封翁素節儉生平不妄用一錢嗣父沒後諸弟益肆淫蕩禁之不止遂覓屋異居後諸弟與人構訟累年已耗其家貲之半長者夫婦俱暴卒子四人連天其三其餘亦死喪疊見生計蕭然而封翁兩子俱登科第官清要夫婦齊眉孫曾林立知其事者咸嘖嘖於天道之不爽也

增

太上感應篇圖說

推多取少

卯空

受辱不怨

〔箋註〕凡人辱我。定非無因。但思我有可辱之處。何怨於人。我無可辱之處。彼自妄耳。又何必怨。昔呂蒙正拜叅政。入朝堂。有朝士指曰。此子亦叅政耶。蒙正佯爲不聞。同列必欲詰其姓名。蒙正堅不許。曰。若一知其姓名。終身便不能忘。不如不聞也。富弼少時。常有詬詈之者。富如不聞。或以告之。富曰。恐是罵他人耳。曰。明呼公名。曰。天下想有同姓名者。婁師德入朝。因體肥行緩。同列曰。何異田舍翁。師德曰。某不爲田舍翁。夫誰爲之。及弟除代州刺史。

太上感應篇圖說

受辱不怨

卯全

史。諄諄以唾面自乾爲訓。古來大手眼人。必然忍小忿。小耻。正是享福處。若夫忍辱忍耻。徐圖報復者。又智謀之術耳。豈太空之心哉。

〔引經〕孟子曰。有人於此。其待我以橫逆。則君子必自反也。書曰。必有忍。其乃有濟。有容德乃大。

〔附論〕大抵忍之一字。在當官處事。尤爲先着。蓋清慎勤之外。更有一忍。則心和氣平。可以周悉於事之前後左右。而無一之不辦矣。



太上感應篇圖說  
受辱不怨

卯室



二五

臨江胡秘校與客圍碁。忽有村民惡聲甚厲。問之曰。來算簿。公曰。少需。其人直前推局大罵。客不能堪。公徐曰。爾欲勾簿乎。曰。然。公卽取簿勾之。仍與斗米遣歸。明日聞其人死矣。蓋以計服毒來。無費可乘而去也。公仕二品。

附斷此忍小忿以免大禍者。古人云。忍字敵災星。信哉。

太上感應篇圖說

忍字不怨

卯齋



徐受天。吳中閭門人。嘗於市上遇擔糞者。傾汚滿身。徐念擔糞窮民。諒不能賠其衣履。含忍欲走。擔糞者反誣其撞翻。揮拳大罵。掙脫而竄。猶追逐里許。衆爲之不平。徐狼狽至家。更衣浣體。妻孥怨悵。以爲不祥。徐亦怏怏。無如之何。至半夜。忽聞叩戶聲。甚急。啟視之。則擔糞者。洶洶而前。噤嚙不語。徐訝曰。吾不責汝。賠衣履。毆我罵我。忍而避之。亦可已矣。奈何又夤夜而來。答曰。吾與君有宿世仇。日間以君相避。我恨已消。今我已死。我家貧。無棺以殮。君能殯我。請卽解此仇。若得更恤我妻子。且當報德矣。言罷大哭。燈光慘

增

太上感應篇圖說

受辱不怨

卍

卍


碧相對寒凜。徐已戰慄。聞其爲鬼。益懼。因曰。當如汝言。擔糞者遂告其姓名里址。大嘯而去。徐次日往訪。果如其言。遂厚殮之。並貽其子十金。營小買販。以贖母。嘗以此事告人曰。苟逞一時之忿。不忍辱遠避。則擔糞者死於吾手。吾已縋首市曹矣。

增

本感應篇圖說

受辱不怨

卯五上



金忠於人有片善必稱之。雖素與公異者。其人有他善。未嘗不稱也。里人有數窘辱公者。公爲尙書時。其人以吏來京師。懼不爲容。公薦用之。或曰。彼不與公有憾乎。曰。顧其才可用。奈何以私。故掩人之長。

增

金忠應篤圖說

受辱不怨

卯文五下



魏國彥武生秦安人善外科醫人不受謝常爲人所  
毒詈聞者不堪翌晨未曙有啟門入者問之則詈己  
者之次子患疔毒也遽問曰飲水否攬衣卽起醫之  
而去見病而忘恩怨仁也

增

太上感應篇圖說

受氣不怨

卯五五三

而去見病而忘恩怨仁也

善之必行惡之必止蓋問曰水火否泰文曰默而

喜善聞者不則豈是未聞可效門人法曰六德是

歸國之極也案安人善小技醫人不受謝常爲人所

受寵若驚

箋註寵榮寵也。一切名位利祿皆是。凡人之處世。禍福相倚。其理最確。其機甚微。况處盛滿之地。尤爲難副。故若驚也。驚則遇亢思惕。履盈防晦。戒慎恐懼。朝乾夕惕。庶幾無失足之事矣。昔盧多遜初拜叅政。服用漸侈。其父億愀然曰。吾家世儒素。一旦富貴。遂如此。未知稅駕地矣。多遜竟以事敗。至蔡京入相。喜動顏色。童貫作樞密。喜不成寐。未幾一竄一誅。此三子者。可爲盛滿之戒也。

引經書曰。臣罔以寵利居成功。又曰。居寵思危。罔不惟畏。

太上感應篇圖說

受寵若驚



卯三

附論今人或以才藝之高。或以官爵之榮。或以家貲之富。格格橫橫。填滿胸中。受人恭敬。居然不讓。無論其器量之小。識見之淺。可鄙可憎。抑亦取禍之道也。則何可不小心寅畏。以承之哉。

太上感應篇圖說

受龐若鸞

卯空



王文正公旦登第晚年官益重。每家人出賀。必止之曰。遭遇如此。愈增憂懼。何用賀也。及爲朝修使。自禁中乘輅車出東門。百官餞送。交口稱公榮遇。公曰。吾何益於國。但覺反側不安耳。附斷望外之福。人所難享。不於此時存恐懼之意。則福滿而禍至。猶日中必昃。月盈必虧也。王公其知幾者哉。

太上感應篇圖說

受寵若驚

卯亥

音

福滿而禍至。日中必昃。月盈必虧。此王公其知幾者哉。附斷望外之福。人所難享。不於此時存恐懼之意。則福滿而禍至。猶日中必昃。月盈必虧也。王公其知幾者哉。

王文正公旦登第晚年官益重。每家人出賀。必止之曰。遭遇如此。愈增憂懼。何用賀也。及爲朝修使。自禁中乘輅車出東門。百官餞送。交口稱公榮遇。公曰。吾何益於國。但覺反側不安耳。附斷望外之福。人所難享。不於此時存恐懼之意。則福滿而禍至。猶日中必昃。月盈必虧也。王公其知幾者哉。

施恩不求報

箋註君子以濟人利物爲念。一念觸發。利濟于人。見得道理自當如是。豈有望報之心。梁武帝問達摩曰。朕一生施捨。有功德否。答曰。無功德。蓋有心求報。卽非功德也。北魏李士謙好施。值歲荒。三載賑貸。設粥。全活萬人。或曰。子陰德大矣。公曰。陰德猶耳鳴。人無知者。今子已知。何謂陰德。顏茂猷曰。匹夫存心愛物。於人必有所濟。故豐富之家。稍自節損。足以續貧人之命。當權之人。稍加矜恤。足以作無限之功。卽貧賤之士。果能事事畱心。必得天隨人願。但若有心求報。非唯功德全無。卽如世情反覆。受恩不感。知感不報者甚多。若求而不得。必怨且爭。恩始怨終。可勝道哉。雖然。人事難測。天道不遠。有不求報而天必報之者。亦有不求報而人仍報之者。此感應之理也。

引經易曰。君子以施祿及下。居德則忌。禮記曰。推賢而進達之。不望其報。

太上感應篇圖說

施恩不求報

卯究



增

太上居身之道言施恩不求報

卯七



劉士可封翁卽寶樹之高祖也。樂善好施。每隱其事。而不欲令人知。嘗于歲暮遣誠實家僕。周歷僻巷中。探訪人家有無急迫不可解之事。適某甲負某之金。甲謀諸婦。欲鬻妻以償。婦抱幼子終夜泣甚哀。僕歸以告。翌晚封三十金使僕僞叩其戶。而以金擲其戶闕中。某甲啓戶見金。而僕已遠去。由是夫妻仍得團聚。於償債外。尙多十餘金。以謀生云。生平所爲大率類是。後其子爽齋廷槐。箬村廷梧。兄弟相繼登賢書。箬村聯捷成進士。擢刑部郎。孫雪堂由進士入詞垣。慧生雲光又相繼登賢書。爲浦城甲族云。又其子澹

增

太上感應篇圖說

施恩不求報

卯主

菴明經源遠亦以濟困扶危爲務。每于歲暮將通年租穀所入之金。內有零件不計多寡輕重。別貯一盤。俟臘月廿三夜祀竈。將所貯之金。默禱諸神。以明周恤貧乏之意。祀竈畢。分作百餘包。每包二三兩不等。用紙封固。察看往來行人。有窘迫無以卒歲者。將包暗擲戶外。拾者見金。有執而問者。恒答以不知此事。行之二十餘年。遂至闔邑周知。蓋恪守士可翁之家教。今寶樹以廉。歷宰浙東西。厥興未有艾矣。



太上感應篇圖說

施德不求報

卯圭

大倉州吏顧佐嘗以送官至城外賣餅江家時江被  
讐誣盜下獄佐知其冤爲訴之官得釋江夫婦攜其  
女年十七甚美至佐家曰無以爲報願以此女爲妾  
佐固卻之其后江益貧鬻女於商久之佐滿考赴京  
撥某侍郎衙門辦事一日佐以事至侍郎私寓值侍  
郎他出佐坐堂檻候之其夫人偶出亟趨避夫人一  
見卽令召之惶恐跪階下夫人曰起之君非太倉顧  
提控乎識我否顧愕然乃曰身乃賣餅女也鬻之商  
商以女畜之嫁充相公副室尋繼正室每恨無由報  
德侍郎歸夫人語之曰仁人也竟疏上其事明孝宗  
以佐爲禮部主事後至顯官

太上感應篇圖說

施恩不求報

卯三

附斷向使顧某納女爲妾不過房中添得一人而已  
豈能見知於侍郎蒙恩於天子哉伸冤救枉仁也具  
禮卻女義也仁且義顧公於是不可及矣

顧某於泖橋門橋東一日對以事至台觀味寓會  
其固喻之其司以益貧鬻女於商人久之滿考赴京  
文乎十小甚美至其家曰無以爲報願以此女爲妾  
鬻詣盜下獄對映其冤爲訴之官得釋江夫婦攜其  
大會依其願對鬻以救官至城外賣餅江家時江被



太上感應篇圖說  
施恩不求報

卯吉

雲間朱翁。家小康。除夕將就寢。復檢視家祠香供。則見一偷兒潛伏於上。翁曰。莫驚恐。取梯下來。料汝迫于饑寒。故節夜至此。吾以千錢贈君。來年爲小經紀。便可過活矣。今已夜深。不必去。吾家有酒餚在。宿於此。明日行可也。其人大感愧。天明受錢拜謝而去。遂以賣菜爲生。過翁門。必投菜一二把。日以爲常。後月餘不至。翁探之。其人曰。某受公厚恩。向無以報。投菜畧表寸心。今已報德。故不復至也。疇昔之夜。某販菜早行。過公門。見有縊死於簷下者。某解而置諸野。公知之乎。翁瞿然曰。是也。有讐人貧病無賴。向欲害吾。一日聞其死於田間。竟不知此事。得以無累者。乃陰受吾子之力也。

附斷朱翁本無求報之心。而此人報之者甚厚。蓋恩無論大小。只在出於至誠。且以偷兒爲賣菜傭。全其身。全其行。所關非淺鮮也。

太上感應篇圖說

施恩不求報

卯亥

增

太上感應篇圖說

施恩不求報

卯五五



楊義錦竹貧家子。年十六拾遺金於道。候失者至。還之。酬十金不受。五金亦不受。乃買猪肉爲謝。義携歸。父問所自。義具告。父怒曰。遺金應當還。酬金亦不受。獨不念父母窮耶。操杖逐出。義窘甚。遑遑無所之。偶遇傭耕者。隨之插秧。主人劉氏愛其勤作。事畢留之。久益悉其誠篤。以爲義子。以傭貲歸省。告其父。許之。再往。主人一子將婚。而病已劇。以義年貌相若。飾爲子。命之親迎於周氏。值大雨。江漲阻歸。義留翁家。成禮。花燭之夜。義端坐待旦。女疑叩之。義面赤舌結。女益疑之。遂以顛末實告。女走告父母。父曰。遺金者我

增

太上感應篇圖說

施恩不求報

卯亥下

也。往昔情形宛然在目。真義氣丈夫也。如此良緣。天實假之。人倫造端。旣已成。禮胡可變也。義堅執不可。忽劉氏人來云。其子亡矣。卽命義成偶。周劉皆小康。乏嗣。均以子視之。復爲納粟成名。不時分潤其父母。往來三家。事皆料理。年四十。已有五子。皆令讀書。知大義。可以分繼三家焉。



增

太上感應篇圖說

施恩不求報

別卷三

馮三爺名浩。甘肅秦安縣馮家溝口人。信義個儻。嘗負蓮花城典肆。號咬三者債三百緡。無償。乃變產得銀十餘兩。謀遠出。曰。生不能還人債。死不歸矣。行至馬鹿坡。就宿。見主人神色失據。問之不語。再問之。曰。欠官銀期迫。事關性命耳。馮惻然。有頃。傾囊與之。遂行。備受艱窘。既而所遇輒佳。營爲風順。欠之獲巨貲。捆載而歸。初馮之出也。咬三焚其券。至是請償舊負。辭以無據。馮不可。親友評處。如其母還之。一日馮坐門外。有馱騾十餘。入巷口。以手揮示曰。大路平過。錯走矣。其人直前曰。君非馮三爺耶。傾身納拜。急扶問之。則當年所與銀者也。以錢三百緡來謝。馮拒不納。其人曰。自公救我後。事頗順。生意獲厚息。所有身家皆公賜也。此持按原銀本息歸公耳。公不受。將焉歸。推讓再四。乃公之。仍令馱回。爲兩家作經紀。馮氏子孫盛衆。往來馬鹿坡。一如親串。迄今各稱素豐云。

增

本感應篇圖說

施恩永報

卯卷五

增

太上感應篇圖說

施恩不求報

卯亥



金華張安仁積穀數千石歲大飢或勸之糶可得重價張曰吾豈圖利者耶或勸之施張曰吾豈圖名者耶乃盡出所積僱人修路一百八十里築堤防四十里邑人爭受役得飯食工錢養其身兼養其家而路與堤又成百世公利自古行善者無此勝算也公享壽九十有三子孫科第不絕

增

太上感應篇圖說 施恩不求報

卯七



增  
八十言三千科第不絕  
又曰百世公利自古行善者無此勝算也公享  
壽九十有三子孫科第不絕

與人追悔

箋註推解之念。人皆有之。但初念未嘗不善。病在轉念之易其初心耳。故一念惻隱。慨然與人。復一念繫戀。而悔失我有。究竟是吝根難斷。義利不明。爲德不終。貪萌日熾。只此追悔一念。非惟不能與人。將來必且奪人矣。

引經論語曰。求仁而得仁。又何怨。孟子曰。樂善不倦。

太上感應篇圖說

與人不追悔

卯五



范文正公常遣子堯夫姑蘇取麥舟次丹陽見故人石曼卿以三喪未葬不得歸盡以麥五百石付之既歸未及言文正曰江東曾見故人否堯夫曰石曼卿爲三喪未葬畱滯丹陽文正曰何不以麥舟付之堯夫曰付之矣文正聞而大喜。

附斷此不惟不悔而且甚以爲快也彼止知錦上添花不知雪裏送炭者亦思有是同心樂助者哉。

太上感應篇圖說

與人不追悔

卯老

所謂善人

箋註此句是承上文以起下文之辭。從是道則進起。必如此如此。是乃所謂善人也。如此之善人。則天道祐之云云也。善人二字。所該者廣。上言善惡之報。故此處單提善人。其實堯舜周孔。大聖大賢。不外乎此矣。

引經論語曰。善人吾不得而見之矣。得見有恆者斯可矣。


附論人之生而爲善者。不必言也。若夫由悔而趨善。未有不皈身於佛者。第佛家千言萬語。亦無非

太上感應篇圖說

所謂善人

卯午

教人在實地上做工夫。卽如佛言平等。示人萬物一體也。佛言施舍。教人絕去貪利之心也。佛言明心見性。教人循理而遏欲也。故欲爲善人者。必修仁義之道。體綱常之本。存忠恕之心。則全乎其爲善人已。每見世之愚夫愚婦。有向善之志。往往以浮文法相處求佛。而不能求佛於自身之一心。此真可長太息者也。曷不觀太上之所謂而返諸。



太上感應篇圖說  
所請善人

卯全

湯星彩者。浙臬司西班長也。明敏知文。爲人誠謹。有長者風。凡奉差撥。無不委婉調恤。間有事非獨主。并或另受指託。則爲之竭力幹謀。必期盡善而後已。財非分內。及不義者。雖處困頓。勿取也。素長於弈。而不事欺詐。平生持守。率多類此。後夢二青衣攝至一第。中有王者謂曰。方今嶽府奉造彙冊。需判司十人。緣爾忠謹積德。已列名牘尾。當於某日時召子矣。湯以微役。惶謝不敢。王者曰。陽世品人貴賤。陰司惟錄有德。汝正其選。毋辭。顧左右遣回陽。湯既醒。語諸親識。咸不之信。至期。湯沐浴。易衣幘。辭鄰里。召諸子列跪。乃合掌誦佛而逝。錢塘徐熙爲之立傳。

太上感應篇圖說

所謂善人

卯全



太上感應篇圖說

所謂善人

卯全

李文正公昉既致政。上元張燈。太宗命安輿迎之。坐御榻之側。手酌御罇。選果核之珍者賜之。曰。如卿者。真善人君子也。兩在相位。未嘗有傷人害物之心。此朕所以念卿也。公歸。語其子曰。吾雖無奇功偉績。驚世駭俗。然未嘗蔽人之善。忌人之進。不欺暗室。度德守分。於此四者。自謂允蹈。今蒙聖上對羣臣前。以善人君子見稱。夫善人君子。男子極美之稱。孔子尚云。不見吾何人而敢當之乎。汝曹當念聖上崇獎之言。踐吾四者之說。於君忠於親孝。修謹自立。庶幾可以無忝。其子宗諤。能恪守先訓。爲一時聞人。

太上感應篇圖說

所謂善

卯六




杜五郎者。恬澹自守。家距縣三十里。惟兩小屋。時繁陽尉孫軫慕而謁之。因問何以不出。笑曰。無用于時。無求于人。偶不出耳。問何以爲生。曰。曷有田半頃。與兒子共耕。兒子既娶。不足贍。盡付之。攜妻子至此。適鄉人有兩間閒屋。借居之。初則賣藥。擇日自給。及兒長。佃耕畢。復傭于人。自此稍足。醫卜俱罷。問何所爲。曰。端坐。問看經否。曰。二十年前看一本淨名經。今忘卻。經亦不知所在。對語間。氣韻瀟灑。軫歎曰。真有道之士。

附斷達則兼善天下。窮則獨善其身。數公其庶幾乎。

太上感應篇圖說

所謂善人

卯五



狀元史大成號立菴。相傳前生爲甯波某寺僧。號大成。爲寺收盞飯接衆。飯桶若淺。必至史家取滿。回寺以此爲常。不記年數。史封翁素積德。凡濟人利物之事。無不隨力行之。又嘗蓄一巨盃。盛飯供佛。後用作盞飯。已五世矣。一日忽見大成僧入戶。索之無跡。遂誕立菴。卽名大成。持胎齋。雖中大魁。戒行如故。附斷由此一端推之。可見公生平利人濟物之事必多。宜其子獲大魁之報也。

太上感應篇圖說

所謂善人

卯矣

人皆敬之

箋註此句至神仙可冀言善之有感必有應也人之敬之實有所以致人之敬者所謂善不積不足以成名也古之賢達以德感人卽田夫牧豎猶知敬畏更有不畏長吏之刑而畏有德者聞其過此豈以威懾之以術致之與以此思敬敬可知矣引經孟子曰敬人者人恆敬之

太上感應篇圖說

人皆敬之

卯全



司馬溫公赴闕。衛士觀之。咸舉手加額。百姓遮道呼曰。公幸無歸。畱相天子。活我百姓。時王闢之過青州。道見村民數千百爲羣。踴躍呼曰。司馬公作相。吾儕大快活矣。契丹聞之戒曰。中國相司馬矣。毋生邊事。公薨。都民罷市而哭。鬻衣以奠。四方會葬者數萬人。附斷。公以一身係朝野之安危。其爲人所欣慕固宜如此。若夫以布衣而見重於朝野者。亦代不乏人。然則人何可不思所以致敬之原哉。

太上感應篇圖說

人皆敬之

卯矣

天道祐之

箋註天道無親常與善人或孤忠可以貫日或純孝可以格天或貞女烈士有飛霜星隕之異或勞人遷客有鯨波瘴厲之危要皆蒙難自全履險克濟若非天道所祐豈人力之所能為與

引經易曰自天祐之吉無不利

太上感應篇圖說

天道祐之

卯兌



天道無親常與善人

或孤忠可以貫日或純孝可以格天

或貞女烈士有飛霜星隕之異或勞人遷客有鯨波瘴厲之危

要皆蒙難自全履險克濟


若非天道所祐豈人力之所能為與

劉器之累抗疏論章惇小人不可用人皆爲縮頸及惇用事公遂遠竄人言春循梅新與死爲鄰高竇雷化說着便怕凡此八州公歷其七雖盛暑畏途泛梅冒險監督者不少寬假人皆謂公必死而竟無恙時公貶所有一貲郎瑞惇意欲徑殺公惇卽擢爲本路判官其人飛馭來去貶所纔二十里止明日將處公左右震懼夜半忽聞鐘聲貲郎如有物擊嘔血死矣附斷此天祐至忠權奸不能害之類也太以權相之勢鷹犬之暴不能殺一遠竄之孤臣則起心殺人者可以止矣。

太上感應篇圖說

天祐之

卯卒



粵東酬神演劇。婦女雜遝。列棚以觀。名曰看臺。又曰子臺。市廛無賴子。混跡其間。斜睨竊探。恣意品評。以爲笑樂。甚有攫取釵釧者。最爲惡俗。屢禁不悛。道光乙巳四月廿日。廣州九曜坊境演劇。搭臺於學政署前。地本窄狹。蔗棚鱗次。一子臺內。因吸水菸遺火。遂爾燎原。燒斃男婦一千四百餘人。焦頭爛額。斷骨殘骸。親屬多不辨識。官爲攢殮焉。先一夜。梨園掌鼓者。看守戲箱。假寐場上。見有數紅鬚赤面人。又有無數披頭折脛人。叱之寂然。甫交睫。復恍惚如夢。又見有似差役。頭戴纓帽。手持鎖鍊者三十餘人。擁入戲棚。

增

太上感應篇圖說

天道佑之

卯卒

捉人。驚懼而醒。心知有異。質明。以告掌班。轉請於司事。欲改期演唱。司事弗許。及金鼓甫作。大鼓忽震裂。掌鼓者覺全身發熱。如坐甕中。汗出不止。適扮加官之優人。亦言其戴假面登場時。視臺下看戲人。面目皆異常焦黑。二人遂相與托病俱去。未幾。士女如雲。肩摩踵接。不移時而災至矣。是日也。西關有王姓者。家小康。翁媪素忠厚。爲族黨鄰里所稱。祇一子。已授室矣。忽告翁媪。欲入城觀劇。囑其婦某氏爲之櫛髮。婦於辮頂分四縷。辮焉。甫出門。遇友人。約往佛山鎮置貨。初猶以他故。辭不欲往。強之。乃偕行。此災作。則

是子已在佛山鎮。而翁媪不知也。聞戲場火發。亟率婦往視。則烈焰燼餘。有屍似其子者。哭而殮之。招魂設靈於家。其婦自往視。至畢葬。竟不哭。翁媪皆呵之。謂其無夫妻情。婦第順受。不與辨。未幾。其子與友自佛山歸。翁媪愕然。稱其婦智。因詰其何以確知非夫也。婦言當日係四縷辮髮。諦審灰燼。髮痕三縷。故不敢哭。究不知夫之所在。疑慮莫釋。晨夕淚痕。浸漬枕蓆間。亦不敢言耳。使非翁媪平日忠厚。是子之不及於難也。幾希。是日之火。起於看臺。而被焚之慘。則由於攤館。蓋署前多奸蠹。包庇開場聚賭者。吏莫能詰。

增

太上感應篇圖說

天道佑之

卯全

彼時適有南海縣文武約會查拿。機事不密。爲若輩所覺。預將東轅門關閉。火發時衆皆由西轅門走避。擁擠踐踏而斃者。約二三百人。居中被焚之屍。有挺立不扑者。有似油炸蝦者。有爲灰燼堆塚。不有人形者。約千餘人。其逃出之人。有燒去半頭半臂者。有燒去一手一足者。近或至家。遠僅至中途。又約斃百餘人。使當時東轅門不閉。則南出書芳街。東出九曜坊。所全活當不尠。賭近於盜。林少穆先生爲總制時。嘗嚴其禁。不料賭關於火也如此。聞是日男婦闖入學政儀門。由考舍抓牆逃避者。尙千餘人。意或不在劫。

數內者乎。更有奇者。番禺長塘街。有寡婦某氏。夫死無子。撫六歲幼女。守志甚苦。是日此女。隨其孀母觀劇。其孀母已燒斃。某氏度其女。亦及於難也。廿一早。備小柩。往收其屍。屢尋不見。忽聞其女呻吟聲。出自數重屍下。駭極。倩人將屍逐一移去。則其女尚有氣息。祇燒去半邊了髻。抱負而歸。詰其所以。女言當時并不知火發。祇似睡熟夢魘者。然覺身不由己。弗能轉動。醒而號呼耳。

增  
太上感應篇圖說

天道佑之

卯三

福祿隨之

箋註善氣所感嘉祥協應隨者不求而自得不召而自來卽如影隨形之義。

引經詩曰樂只君子福履綏之又曰百祿是荷附論古亦有修德而少福祿者顏淵原憲之類是也然其德之所在與日月爭光則又非尋常之福祿可比矣

太上感應篇圖說

福祿隨之

卯九




文彥博初第。呂夷簡見之。歎曰。此大有福德人。何所  
 任用不可。遂自御史遷待制。及入相。帝以宿德元臣。  
 命六日一朝。兩月一赴經筵。契丹使者見公拱手曰。  
 異人也。

附斷生時卽帶福祿來。此前因也。今生更能好善去  
 惡。則添膏之燈。愈剔愈明矣。

太上感應篇圖說

福祿隨之

卯全五



明中葉有周秀才諱某。素方正。家極貧。賃婁門韓家潭子屋一間。拆舊竈竈底方磚下。得二元寶。妻大喜。周君曰。此不義財也。豈可得乎。取筆書銀面云。若是我財。須是明白來。竟袖至胥門外。登渡船。擲之。中流而返。舟子親見。立呼漁翁投水摸之。漁翁藏銀別處。詐言不見。二人大鬩。訟之太守。太守欲加刑。二人吐實。乃押漁翁立取銀至。見面有字。命貯庫。是秋鄉試。周公竟中。舊例本府小鹿鳴宴。每舉子有牌坊銀百金置面前。書字銀二笏。恰在周君前。眾共驚異。後成進士。

太上感應篇圖說

福祿隨之

卯矣

附斷始而見之不取。繼仍爲其所得。可見富貴功名各有定數。人亦何苦強求哉。



增

太上感應篇圖說

福祿隨之

卯九七

裴晉公度。貧時遇相者曰。公形神稍異。不貴必飢死。一日遊香山寺。拾得遺物一囊。追之不及。待之不至。攜歸。明晨復往候之。見一婦人。大慟而至。曰。父以罪繫獄。昨購得玉帶一。犀帶二。以贖其罪。因祈禱。匆忙遺失於此。父無生理矣。公遽還之。婦願留半以謝。公不受。後復遇相者。大驚曰。公遽還之。婦願留半以謝。公非吾術所能知也。公登進士。官上柱國。封晉國公。享壽七十有六。五子皆貴。

增

太上感應篇圖說

福祿隨之

卯亥

衆邪遠之

〔箋註〕邪不勝正。妖不勝德。譬如太陽一出。冰雪自然消化。傳曰。妖由人興也。人無覺焉。妖不自作。又曰。民入川澤山林。不逢不若。魑魅魍魎。莫能逢之。昔西域獻一僧人。善咒術。能咒人令死。咒衛士。衛士死。咒壯勇者。壯勇者死。太常少卿傅奕。自請令咒。既咒。奕無所覺。而僧人若有物擊死。所謂有道之世。其鬼不靈也。

〔引經〕詩曰。雨雪濇濇。見睍日消。禮記曰。民無凶饑妖孽之疾。

太上感應篇圖說

衆邪遠之

卯堯



晉陵城東顧成娶錢氏女爲媳媳甯母家時疫勢甚盛轉相傳染有一家數口俱斃者有巷不畱數人者令人神悸股慄病者親戚不敢過問成先得是疾諸子及婦凡八人俱伏枕待命媳聞信欲趨視父母力阻之媳曰夫之娶妻原爲翁姑生死大事今翁姑俱篤忍心不歸與禽獸何異吾往卽死不敢望父母顧也隻身就道明見鬼物相語云諸神皆衛孝婦歸矣吾等不速避譴不小八人俱得活此順治甲午三月事

附斷邪不勝正其要在於治心若人曖昧其心則不

太上感應篇圖說

衆邪遠之

邪百

必問邪之來而此中已先爲邪之藪矣觀此女一念之孝遂爲邪鬼所畏避則正心治邪之言益驗

吾善不報

也其良淑讓則良泉林林請云諸輻皆壽壽誠

誠惡心不說與禽趨向異吾益唱派不煩望父

則之誠曰夫之妻妻氣欲錄故主派大事今會

千又誠以八人其力對奇命誠開言於誠賦父

令人輻射想對誠善縣不煩誠問與求皆

盈轉林軒興首一案爐口則業香香香不而

神靈衛之

箋註神者聰明正直。其所敬者忠孝。所欽者正直。所重者陰功。所尊者道德。故遇善人。則無不曲加衛護。古來積德之人。遇水火兵盜之災。往往化吉生恩。脫離凶厄。傳曰。神所憑依。將在德矣。

引經詩曰。神之聽之。式穀以汝。

太上感應篇圖說

神靈衛之

卯百



嘉靖壬戌興化被賊。惟忠臣一家。孝子一家。世德一家。得以保全。忠臣者魏益公也。不要錢。不要官。不要命。人號之爲三不要。孝子名闕疑。其人親病。寐不得。無養寐不得。居喪。寐不得。人號之爲三不寐。又有世德之家。素施殘廢。恤孤獨。造橋修路。是家于壬戌春。有少婦失金環。欲答其婢。婢逃城隍廟。夜聞神語。接立女至。城隍問曰。興化將陷。娘娘救之否。答曰。天行也。孰能救之。吾來欲完三家耳。忠臣某。孝子某。世德某也。俄而曰。廟中有凡人在。索之。婢出叩頭。愬以環立女曰。環係豕食之。此其小者。速告汝主人。全家入深山。可免。婢歸以告。殺豕得環。信之。遂舉家避焉。未幾海賊入城。徧掠。惟相戒不入三家之門。附斷甚矣。劫數不可逃。而積善者獨爲神所佑也。乃神佑之。而示小婢於機先。則所借以勸世者深矣。



太上感應篇圖說

神靈衛之

前明池州有舒生。無兄弟。舉一子而遭寇亂。謂其妻曰。死節易。存孤難。汝肯爲其難者乎。其婦嗚咽久之。慨然曰。幸君父子重逢。我當一死以明志。已而賊至。劫其婦去。舒生輾轉流離。及後王師定川廣。舒生間關至楚。乞食營中。冀與妻遇。不得見。乃復東下。餓道旁欲死。一兵擲肉飼之。少嘗一嚙。驚曰。誤矣。余聞先人云。吾家久當乏嗣。以不食牛犬。故七世皆生一子。今雖死。奈何食牛豕。乃探其喉。哇之。而氣絕。恍惚見北斗星君。命之再生云。戒食牛犬。天津謂之半齋。半齋者。無奇厄。汝勉之。遂醒。遇官艦縛之。令挽繆行。

太上感應篇圖說

加蓋篇之

卯百四

夜半號泣。驚將軍夫人。黎明夫人隔簾訊其姓氏。大詫。命加銀鎗。俟將軍至。自鞠之。越四日。將軍與夫人會。夫人乃舒生故妻也。將軍自賊中獲之。甚有寵。其孤尚在。至是乃泣告將軍。乞以孤兒還舒生。將軍心疑其夫婦私相見矣。大怒。出坐鷓首。命擒舒生來。見其荷鐵索。匍匐不能行。頸流血殷然。乃詢隸卒曰。彼拘繫幾時矣。曰。四日。將軍大喜。釋其縛。入謂夫人曰。子誠知禮。今汝意云何。夫人指其子曰。妾存此一塊肉。以還舒生耳。至于破鏡。斷難復合。將軍命舒生攜其子。入小艇。贈以金帛。舒生遙拜其妻而去。行數十


里。有飛騎傳將軍令。追舒生回。復見將軍語曰。子行後。汝婦闔戶自縊。乃悟向來忍死。爲存孤也。此真節婦。渠今一死。以踐初志。幸而解救得甦。仍歸君完聚。爲兩世姻緣可耳。舒生拜謝。載其妻歸故鄉。撫子成立。池人至今以爲美談。

附斷半齋之功亦大矣哉。奇厄以是可免。骨肉以是重逢。何莫非神明之佑乎。

太上感應篇圖說

神靈攝之

卯頁五



華亭沈清正。幼失怙。其生母爲嫡母鬻諸海舶。清正孺慕甚摯。長齋誦大洞經露禱。及長。附舶入海求之。感夢。文帝命童子引見其母。後至一山。道塞無人跡。恍惚見空中一黃衣神。令退行。遂得一廟。廟中神如所見者。夜半夢告以母在金塘島。因往徧訪。一人曰。某年有舶至此。舟人入市買香燭魚肉等物。一婦登岸獨行。貌甚哀戚。前赴潭水死。予出其尸瘞之。示以塚所。清正哭臥其旁。夢母曰。我初上舶。卽逼成婚。誓死不從。給以且至海外備禮成親乃可。因得至此。乘間一死以全節耳。清正乃負骨歸。葬先壠。

太上感應篇圖說

神靈衛之

卯夏

